

জেন্ডার নীতিমালা

উদয়াঙ্কুর সেবা সংস্থা (ইউএসএস)



জোড়দরগা, নীলফামারী- ৫৩০০

ফোন : ০১৭১২-৮৭৮৩০০

E-mail: uss.nilphamari@gmail.com

www.ussnilphamaribd.org

৩য় সংশোধিত এই নীতিমালা ১ এপ্রিল-২০১৮ হতে কার্যকর হবে।

সম্পাদক
উদয়াঙ্কুর সেবা সংস্থা (ইউএসএস)
নীলফামারী।

সভাপতি
উদয়াঙ্কুর সেবা সংস্থা (ইউএসএস)
নীলফামারী।

জেন্ডার নীতিমালা

১। ভূমিকাঃ

মানব ইতিহাস মানেই নারী পুরুষের সমানতালে এগিয়ে চলা। সমাজে যখনই এ অবস্থার ব্যত্যয় ঘটেছে তখনই মানবিকতা বিকাশের অনুকূল পরিবেশ সংরীণ হয়েছে। সে সমাজ ধরে রাখতে পারেনি এগিয়ে চলার স্বাভাবিক গতিকে। ফলে সমাজে নারী পুরুষের বৈষম্যসহ সকল ধরনের বৈষম্য বেড়েছে। বিশ্বসমাজ কমবেশি এরকম অবস্থার মধ্যেই এগিয়ে চলছে। অনেক সম্ভাবনাময় বাংলাদেশ অনেক বিষয়েই এখনও পিছিয়ে আছে। তার মধ্যে জেন্ডার বৈষম্য একটি অন্যতম সমস্যা। পরিবার, প্রতিষ্ঠান, সমাজ সর্বত্রই এ বৈষম্য চলছে। ইউএসএস স্বপ্ন দেখে সব মানুষের সম্ভাবনার বিকশিত নতুন সমাজের। যেখানে নারী পুরুষ সমর্যাদায় বিকশিত হওয়ার অনুকূল পরিবেশ পাবে। সে স্বপ্ন বাস্তবায়নে ইউএসএস জেন্ডার ইস্যুকে অত্যন্ত গুরুত্বের সাথে বিবেচনা করে। সে আলোকেই ২০১০ সালে জেন্ডার নীতিমালা প্রনয়নের উদ্যোগ গ্রহণ করা হয়- যা সংস্থার সকল পর্যায়ে বাস্তবায়ন করা সকল কর্মীর নৈতিক দায়িত্ব বলে বিবেচিত হবে। পরবর্তীতে ২০১৩, ২০১৬ ও ২০১৮ সালে সকল স্তরের কর্মীদের সম্পৃক্ত করে এ নীতিমালাকে সমৃদ্ধ করা হয়। সংস্থার সকল ক্ষেত্রে নারী পুরুষের সমতাকে মূলধারায় আনয়নে এই নীতিমালা গাইড লাইন হিসেবে কাজ করবে।

২। জেন্ডার নীতিমালার লক্ষ্য:

নারী পুরুষের সমতা প্রতিষ্ঠায় একটি জেন্ডার সংবেদনশীল প্রতিষ্ঠান হিসেবে ইউএসএস কে গড়ে তোলা।

৩। জেন্ডার নীতিমালার উদ্দেশ্য:

ক) সংস্থায় নারী পুরুষের অবস্থা এবং অবস্থানের সমতা আনয়নের লক্ষ্য সুনির্দিষ্ট পদক্ষেপ গ্রহণ করা।

খ) নারী পুরুষের সমতাধর্মী অনুকূল কর্ম পরিবেশ সৃষ্টি করা।

গ) সংস্থার সকল কর্মীদের মধ্যে জেন্ডার সমতা আনয়নে সক্ষমতা বৃদ্ধি করা।

৪। জেন্ডার নীতিমালার মৌলিক দিক:

ক) ইউএসএস কে তার সকল কার্যক্রমে জেন্ডার সমতার/নীতিমালার লক্ষ্য ও উদ্দেশ্যকে অন্তর্ভুক্ত করতে সহায়তা করবে এবং লক্ষ্য উদ্দেশ্যগুলো প্রাতিষ্ঠানিক রূপ পাবে।

খ) ইউএসএস এর সকল নীতিমালায় জেন্ডার সমতা প্রতিফলিত হওয়ায় এই নীতিমালাটি জেন্ডার সমতা আনয়নে বিশেষ ভূমিকা রাখবে।

গ) সংস্থার সকল ক্ষেত্রেই যে জেন্ডার বিষয়টি নিহিত এই নীতিমালায় সেই বিষয়টির উপর গুরুত্ব দেয়া হয়েছে।

৫। জেন্ডার পলিসি বাস্তবায়নের কৌশল সমূহ:

- ক) নীতিমালাটি নিবাহী পরিষদ কর্তৃক অনুমোদিত হতে হবে।
- খ) সংস্থার সকল নীতিমালা, কাঠামো ও কমিটি জেন্ডারের আলোকে পুনর্বিন্যাস করতে হবে।
- গ) সংস্থার সকল স্তরে এই নীতিমালার বাংলায় প্রচার ও বাস্তবায়ন নিশ্চিত করা।
- ঘ) সংস্থার সকল কর্মীদের জেন্ডার বিষয়ে জ্ঞান ও সক্ষমতা বৃদ্ধি করা।
- ঙ) সংস্থার সকল কর্মীকে জেন্ডার নীতিমালা মেনে চলতে অভ্যাস করা।
- চ) সংস্থার সকল কর্মীকে জেন্ডার বিষয়ে সংবেদনশীল করে তোলা।
- ছ) সংস্থার সকল উপকারভোগীকে জেন্ডার পলিসি বিষয়ে ধারণা দেওয়া।
- জ) সংস্থার সকল কার্যক্রম সম্পন্ন হবে জেন্ডার বিচ্ছেবণ নিশ্চিত করার মাধ্যমে।
- ঘ) এই জেন্ডার পলিসি বাস্তবায়নের জন্য প্রয়োজনীয় সম্পদ সংগ্রহ ও বরাদ্দ করা।
- ঝ) এই জেন্ডার পলিসি বাস্তবায়ন ও পরিবিক্ষণের জন্য নির্দিষ্ট জেন্ডার ইউনিট/ফোকাল পয়েন্ট/ কমিটি গঠন করা হবে।

৬। জেন্ডার পলিসি প্রয়োগের ক্ষেত্র সমূহ:

ক) সংস্থার সকল নীতিমালা, কাঠামো ও কমিটি

খ) মানব সম্পদ ব্যবস্থাপনা নীতিমালা

গ) আর্থিক, ভৌত ও অন্যান্য নীতিমালা

ঘ) প্রকল্প, কর্মসূচী, কার্যক্রম

ঙ) কর্মএলাকা ও উপকারভোগী

চ) সংস্থার মূল্যবোধ ও সংস্কৃতি

ছ) সংগঠন ও কর্মী উন্নয়ন

জ) নারীর উদ্ভৃত বিশেষ কিছু চাহিদা বা প্রয়োজন

ঝ) পরিবিক্ষণ ও মূল্যায়ন

৭) সংস্থার সকল নীতিমালা, কাঠামো ও কমিটি:

ক) সংস্থার গঠনতত্ত্ব, মানবসম্পদ ব্যবস্থাপনা, আর্থিক নীতিমালাসহ সকল নীতিমালায় নারী পুরুষের সমতার বিষয়টি প্রতিফলিত হতে হবে।

খ) সকল কাঠামো ও কমিটিতে নারী পুরুষের ভারসাম্য বজায় রাখতে হবে।

৮। মানব সম্পদ ব্যবস্থাপনা নীতিমালা:

ক) নিয়োগ, পদোন্নতি, ছুটি, বদলী, অব্যাহতি ও ছাটাই

নিয়োগ:

১) সমযোগ্যতা সম্পন্ন নারী প্রার্থীকে অগ্রাধিকার দেয়া হবে

২) উচ্চতর পদগুলিতে নারীর অনুপাত ৪:৬% বৃদ্ধি করতে হবে।

৩) ক্ষেত্র বিশেষে নিয়োগের জন্য প্রয়োজনীয় মান ও যোগ্যতা নারীদের বেলায় শিথিল হবে।

৪) বিশেষ দুর্দশাগ্রস্ত ও বিশেষ দৈহিক বৈশিষ্টের ব্যক্তিরা চাকুরীর ক্ষেত্রে বিশেষ সুবিধা ভোগ করবে। এই ক্ষেত্রে নারীরা অগ্রাধিকার পাবেন।

৫) নিয়োগ কমিটিতে নারী পুরুষের ন্যায্য অনুপাত ঠিক রাখতে হবে।

৬) নিয়োগ সংক্রান্ত প্রশ্ন মালায় (লিখিত ও মৌখিক) জেন্ডার ইস্যু সংযুক্ত করা হবে।

পদোন্নতি:

১) সমমান যোগ্যতা সম্পন্ন প্রার্থীর মধ্যে পদোন্নতির ক্ষেত্রে নারীরা অগ্রাধিকার পাবেন।

২) কর্মী মূল্যায়ন ফরমেটে জেন্ডার সংবেদনশীলতা সূচক রাখতে হবে।

ছুটি:

১) নারী কর্মীরা সবেতনে ৬ মাস (সুবিধামত প্রসবের আগে বা পরে) মাতৃত্বকালীন ছুটি ভোগ করবে। তবে এই ছুটি দুটি জীবিত সন্তান পর্যন্ত ভোগ করতে পারবেন।

২) চিকিৎসাজনিত করণে (গর্ভাবস্থা চলাকালীন) সময়ে প্রয়োজনে নারী কর্মীরা বিশেষ ছুটি ভোগ করতে পারবেন।

৩) পিতৃত্বকালীন ছুটি সবেতনে ১০ দিন তবে এই ছুটি স্ত্রী ও সন্তানের কল্যানে ব্যায় করার জন্য উৎসাহ দিতে হবে।

৪) বিবাহের ক্ষেত্রে নারী পুরুষ উভয়েই ৭ দিন বিশেষ ছুটি ভোগ করবেন।

বদলী:

- ১) নারী ও পুরুষ কর্মীর কর্ম এলাকা নির্ধারণ ও বদলীর সময় তার মাতা/পিতা/স্বামী / স্তৰীর অবস্থান ও কর্মএলাকা বিবেচনা করা।
- ২) যেখানে সম্ভব স্বামী -স্তৰী একই এলাকায় কাজ করার ক্ষেত্রে নিয়মে নমনীয়তা রাখা।
- ৩) গর্ভধারণ এবং প্রসব পরবর্তী সময় নারী কর্মীদের ইচ্ছার বিকল্পে বদলী করা যাবে না।

অব্যাহতি:

- ১) সংস্থার মানব সম্পদ নীতিমালার অধিনে বিভিন্ন পরিস্থিতিতে কর্মীদেরকে অব্যাহতি প্রদান করা হবে।
- ২) প্রকল্প শেষ হলে অথবা সম্পদের ঘাটতি দেখা দিলে যোগ্য নারী কর্মীকে ধরে রাখার উদ্যোগ গ্রহণ করা হবে।

ছাটাই:

- ১) সংস্থার পরিপন্থি কোন কাজ, আর্থিক অনিয়ম- দুর্নির্তি, গণবিরোধী কার্যকলাপ ইত্যাদি কারণে কর্মী ছাটাই করা হবে।
- ২) বহুবিবাহ, যৌতুক, বাল্যবিবাহ, নারী নির্যাতন, অসামাজিক কার্যকলাপ ইত্যাদি প্রমাণিত হলে তাকে সংস্থা হতে ছাটাই / বহিক্ষার করা হবে।
- ৩) আর্থিক, ভৌত ও অন্যান্য নীতিমালা:
 - ক) নারী পুরুষের সমতা প্রতিষ্ঠার সহায়ক কর্মসূচীগুলিতে পর্যাপ্ত পরিমান সম্পদ সংগ্রহ ও বরাদ্ব করা এবং এই ধরণের প্রকল্প অব্যাহত রাখার জন্য আরো আর্থিক সম্পদ সংগ্রহের উদ্যোগ গ্রহণ করা।
 - গ) বিশেষ জরুরি প্রয়োজনে (চিকিৎসা, ডেলিভারী, পারিবারিক সমস্যা) সংস্থা থেকে অর্থ ঋণ নিতে পারবেন এবং তা কিসিতে পরিশোধ করতে হবে। নারী কর্মীরা এক্ষেত্রে অগ্রাধিকার পাবেন।
 - ঘ) সংস্থার অন্যান্য সম্পদ ব্যাবহারের ক্ষেত্রে নারী পুরুষ উভয়েই সমান সুযোগ পাবেন তবে নারীরা অগ্রাধিকার পাবেন।
- ঙ) সংস্থার কার্যালয়ে নারীদের জন্য আলাদা টয়লেট, ওয়াশরুম, শিশু যত্ন কেন্দ্র থাকবে।

১০। প্রকল্প, কর্মসূচী, কার্যক্রম:

- ক) কর্মসূচী এবং প্রকল্প পরিকল্পনা ও বাস্তবায়নের ক্ষেত্রে নারীদের অংশগ্রহণ ৫০ ভাগে উন্নিত করা।
- খ) সকল প্রকল্প, কর্মসূচী প্রনয়ন ও বাস্তবায়নের ক্ষেত্রে নারী পুরুষের অংশগ্রহণ বিবেচনা করতে হবে।
- গ) সকল প্রকল্প এবং কর্মসূচী বাস্তবায়নে নারীদের অবস্থা ও অবস্থান উন্নত করা এবং বাস্তবমূর্খী ও কৌশলগত জেনার চাহিদা পুরণের কথা বিবেচনা করতে হবে।

১১। কর্মএলাকা ও উপকারভোগী:

- ক) কর্মএলাকায় জেনার বাস্তব পরিবেশ তৈরি করা যাতে নারী পুরুষ উভয়ই স্বাচ্ছন্দে কাজ করতে পারেন।
- খ) কর্মএলাকায় নারী উপকারভোগী ও কর্মীদের জন্য পৃথক টয়লেট ও ওয়াশরুমের ব্যবস্থা করা।
- গ) অফিসে ঝুকালীন সময়ে পরিচ্ছন্নতার জন্য বিশেষ ব্যাবস্থা থাকবে।
- ঘ) কর্মএলাকায় উপকারভোগী ও নারী কর্মীদের সকল ধরণের নিরাপত্তা নিশ্চিত করা।
- ঙ) সন্ধা বা রাত হলে উপকারভোগী ও নারী কর্মীদের নিরাপদে বাড়ী ফেরার ব্যবস্থা করা।
- চ) বিভিন্ন প্রকল্পের ধরণ অনুযায়ী উপকারভোগীদের মধ্যে নারী পুরুষের ন্যায্য অনুপাত নিশ্চিত করা।
- ছ) উপকারভোগী নারীদের কর্মসূচীতে অংশগ্রহণের ক্ষেত্রে পারিবারিক ও সামাজিক কোন বাধা বিপত্তি দেখা দিলে তা দ্রুত নিষ্পত্তি করতে হবে।
- জ) উপকারভোগীরা বিশেষত নারীরা যাতে কর্মসূচীতে সক্রিয় ও প্রত্যক্ষভাবে অংশগ্রহণ করে তা নিশ্চিত করতে হবে।

১২। সংস্থার মূল্যবোধ ও সংস্কৃতি

- ক) সমতা, ন্যায্যতা, গণতন্ত্র, সচ্ছতা, জবাবদিহিতা, সহযোগিতা এসব সংস্থার মূল্যবোধ হিসাবে বিবেচিত হবে এবং সবাইকে তা মেনে চলতে হবে।
- খ) জাতি, ধর্ম, বর্ণ, লিঙ্গ, বিশেষ দৈহিক বৈশিষ্ট্য ইত্যাদি নির্বিশেষে সকল মানুষকে সমর্যাদা দিতে হবে।
- গ) নারীর প্রতি অবমাননা বা মর্যাদা হানিকর কোন আচার- আচরণ, ইঙ্গিত, উক্তি ইত্যাদি নিষিদ্ধ বলে গণ্য হবে।
- ঘ) বন্ধুত্বপূর্ণ ও সহযোগিতা মূলক কর্ম সম্পর্ক গড়ে তোলার ক্ষেত্রে নারী পুরুষ উভয়কে দায়িত্বশীল হতে হবে।
- ঙ) সকল ক্ষেত্রে পারিবারিক/গৃহস্থালী কাজে পুরুষদের অংশগ্রহণে উৎসাহ প্রদান করা।

সংগঠন উন্নয়ন:

- ক) সংগঠনের সকল দিক (নীতিমালা, কাঠামো, সম্পদ, কমিটি, দায়-দায়িত্ব বন্টন) জেডার সমতার আলোকে উন্নত করা।
- খ) সংস্থার সকল আলাপ-আলোচনা, সংলাপ মতবিনিময় সভা, কর্মশালা, কর্মী সভা, মাঠসভা এসব ক্ষেত্রে নারী পুরুষের সমতার বিষয়ে এজেডা রাখা।
- গ) সাধারণ পরিষদ এবং নির্বাহী পরিষদ সদস্যদের জেডার সংবেদনশীলতা বৃদ্ধির জন্য উদ্যোগ গ্রহণ করা।
- ঘ) স্থানীয়, জাতীয় এবং আন্তর্জাতিক পর্যায়ে সংস্থার প্রতিনিধিত্বের ক্ষেত্রে নারীদের অগ্রাধিকার দিতে হবে।
- ঙ) সংস্থার নীতি নির্ধারণি স্তরে নারীদের অনুপাত বৃদ্ধির জন্য বিশেষ উদ্যোগ গ্রহণ করা।
- চ) সংস্থার সকল কর্মীদের পারিবারিক সদস্যদের নিয়ে বার্ষিক পনঃমিলনীর আয়োজন করা।
- ছ) নারী পুরুষের সমতা আনয়নের জন্য সমর্পনা সামাজিক সরকারী বেসরকারী প্রতিষ্ঠানের সাথে নেটওর্কিং গড়ে তোলা।
- জ) নারী পুরুষের সমতার ক্ষেত্রে বিশেষ ভূমিকা পালনকারী নারী ও পুরুষ কর্মীদের সংস্থার পক্ষ থেকে পুরস্কৃত ও স্বীকৃতি প্রদান করা।

কর্মী উন্নয়ন:

- ক) জেডার সমতা আনার লক্ষ্যে সংস্থার সকল স্তরের কর্মীদের জ্ঞান, দক্ষতা ও সক্ষমতা বৃদ্ধি করতে হবে। এজন্য প্রশিক্ষণসহ নানা ধরণের পদক্ষেপ গ্রহণ করতে হবে।
- খ) কর্মীদের বিশেষ জ্ঞান, দক্ষতার (কম্পিউটার, তথ্যপ্রযুক্তি, ইংরেজী ভাষা শিক্ষা, রিপোর্টিং যোগাযোগ দক্ষতা, যানবাহন চালনা) উদ্যোগ নিতে হবে এবং নারীদের অগ্রাধিকার দিয়ে এক্ষেত্রে উৎসাহিত করতে হবে।

১৪ | নারীর উত্তৃত বিশেষ কিছু চাহিদা বা প্রয়োজন

- ক) নারী কর্মী ও উপকারভোগীরা কর্মক্ষেত্রে ও পারিবারে অন্যায় অবিচার ও নির্যাতনের শিকার হলে তা প্রতিকারের জন্য প্রয়োজনীয় সকল ব্যাবস্থা গ্রহণ করতে হবে।

খ) সংস্থার কোন পুরুষ কর্মী দ্বারা কোন নারী কর্মী যৌন হয়রানীর শিকার হলে প্রমান সাপেক্ষে সংস্থা কঠোর ব্যাবস্থা (ছাটাই ও আইনগত) নিবে। তবে মিথ্যা অভিযোগের ক্ষেত্রে নারী কর্মীর ক্ষেত্রেও অভিযোগের মাত্রা অনুযায়ী শাস্তিমূলক ব্যাবস্থা নেয়া হবে।

গ) যৌন হয়রানীসহ সকল ধরণের অন্যায় অবিচারের অভিযোগ নির্ভর্যে এবং গোপনে দাখিল করার জন্য সংস্থার কেন্দ্রিয় এবং শাখা অফিসে অভিযোগ বক্স থাকবে।

ঘ) সংস্থার কর্মকাণ্ডে অংশগ্রহণকারী নারী কর্মী ও উপকারভোগীরা প্রয়োজন হলে তার শিশু সন্তান (০-৫বেছর) ও তার দেখাশোনাকারী সাথে নিতে পারবে এবং সংস্থা এজন্য প্রয়োজনীয় ব্যায় ভার বহন করবে।

ঙ) ঝুঁতুকালীন সময়েও গর্ভকালীন সময়ে প্রয়োজনে নারীরা ঝুঁকিপূর্ণ কাজ থেকে নিজেকে বিরত রাখতে পারবেন।

চ) নারী কর্মীরা শিশু সন্তানকে বুকের দুধ খাওয়ানোর জন্য কিছু নমনীয় কর্ম সময়ের সুবিধা ভোগ করবেন।

ছ) নারী কর্মীদের দূরের কর্মসূলে আবাসনের জন্য অফিস সাধ্যমত সহযোগিতা করবে।

জ) সংস্থার সকল কর্মীদেরকে শিশু সুরক্ষা নীতিমালা মেনে চলতে হবে।

১৫। পরিবিকল্পণ ও মূল্যায়ন

ক) জেন্ডার নীতিমালা বাস্তবায়নের অগ্রগতি পরিমাপের জন্য সুনির্দিষ্ট টুল্স ও ইন্ডিকেটর রাখতে হবে।

খ) মূল্যায়নের মাধ্যমে অর্জিত জেন্ডার সমতা সংক্রান্ত ইতিবাচক শিখনগুলিকে আবার কাজে লাগানো।

যোগাযোগ:

ক) যোগাযোগের সকল ক্ষেত্রে নারী পুরুষের প্রতি সমতাধর্মী বাক্য, শব্দ, ভাষা, ছবি ব্যবহার করতে হবে।

খ) নারীর গৃহবাধা চিরাচরিত নেতৃত্বাচক ভাবমূর্তি চিত্রিত করার বদলে নারীর পরিবর্তনশীল ইতিবাচক চিত্র/ভূমিকা তুলে ধরতে হবে।

গ) সকল ক্ষেত্রে নারী পুরুষের আলাদা আলাদা তথ্য উপাত্ত তুলে ধরতে হবে।

সমাপ্ত